

张司马定浙
二乱志

王世贞

文硕阁

wenshuoge.com

目录

关于我们

张司马定浙二乱志

.....

.....

3

5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

张司马定浙二乱志

万历十年之四月兵部右侍郎铜梁张公肖甫兼右佥都御史来视浙师浙故有幕府亲兵四千五百人其人多括苍诸郡民家子颇选而故胡少保倚之起战功饷赆至糜县官廩不訾故赵尚书来代稍稍为裁缩然犹月一金而其兵分营九岁率以七营防海汛汛毕乃归是时承平久当国者有所向以桑孔为急而士大夫争言汰冗费因稍及兵饷於是给事中疏请减营兵廩三之一无已而复请以新钱半之当幕府议钱法壅不行无所得食则相率号於两台使者居间幕府幕府吴中丞善言尝守吾郡用循吏治效骤迁不习兵弗听令予钱自如乃汹汹为恶语冀以恫喝止吴公吴公益持之坚顾仅两台使言之诸司道傍睨亡助者於是兵有二黠魁曰马文英杨廷用媮其党噪於治饷金事王许之门许之跳遂阑入幕府吴公匿它室迹得之遂拥而至营所以窘辱之者万伏两台使来为请命稍稍解然犹责吴公自书腹削状以库金二千为酒食资乃纵之归其明日二黠魁与他黠者自相团结更约束曰毋杀人毋掠财出入必娖队甲而中达乃阳自缚以诣吴公及两台使者吾二人寔为之请受法它母与也然兵皆匣刃待矣诸公諗知其状姑好语慰籍之莫敢谁何而具其事闻上庙议以轻用兵则五千组练乘愤用壮势何所不至轻用帅帅或贱且选懦则兵益骄而它镇皆脉决擊振而起顾独张公贵臣自令至填抚江南上谷皆以谈咲埽内乱是可樽俎治也

於是公出而得便宜行事之命吴公勒还里候勘公既拜命即促装朝辞而吴公候代於茗霅间无何而市民变复作杭十万室丘民蚁袭几与冯翊扶风埒迺来文罔渐密日相厉以湿束弗堪而城中诸栅各设役夫司干掘诸土著户捐钱粟募游手充之前二岁始更其法必以身受役诸受役者既惰不任又相率倚豪有力以免而游手骤失募亦怨上虞人丁仕卿侨处素舞文与市大猾相结假利便言之监司守令俱不听意忿忿曰谓我曹无爪距营兵之不若耶既而谋诸市大猾曰官易与耳兵一振即茅靡旦今跨称档子扬扬九衢徒手饫酒肉官杜门不敢加拂息而独奈我何诸大猾稍稍动而会仕卿坐它法台使者杖而囊之三木诸大猾遂噉众夺之亡赖子冀得为所欲为者立响应至千人谓一二荐绅是能免应役者相率焚毁其第劫财帛以逞於是遂破台使者门监司而下走匿佛庐仅免而张公方与吴公代抵嘉禾而警至公问候人曰兵哨海者发耶曰发矣留者一营无故耶曰犹未动也公曰速驱之尚可离而二也

於是从者皆惴恐无人色公谈咲自如以五月朔抵台治事而诸亡赖啸聚益众尽毁诸栅及它丽栅樵揭长竿裂所掠袒衣帟之裒白刃而向台者可二千余且欲拔储胥以入公乃从数卒乘肩舆出迎谓之曰女曹母反反则天子移六师至族女矣且女必有所苦与甚不平众乃以司夜役告曰吾所苦若而豪有力者独不受役欣监司郡邑若无耳者是以不平公曰易也奈何以女一愤易女族即下令除之众始散去众虽已阳散而气益张其饥欲益炽乘夜复大掠诸巨室且徧火光烛天其器与巷哭声达旦公秉烛坐堂皇草檄谕以祸福质明而布之通衢众取裂之剽益甚公怒曰余奉命戢悍兵此乱民之不讨兵胡受戢已而计曰过可使也乌合可刈也命游击徐景星俾以二营兵入召伍长而抚之曰前幕府诚惧夫驱女死而不使汝一饱女宁无怏怏也今者使女饱又使女以功饱可乎众唯唯则又曰市亡赖子乱成矣且无它劳不可以女曹例为我尽力讨捕之母多杀多杀不女功众踊跃听命则又进马文英杨廷

用密谓曰自缚而请者女耶二黠魁谢死罪公咲曰壮士故不畏死虽然死法矣母与而名者女为我倡众捕乱功成诟论赎有赏也即不幸死死义终有名今奈何不令天下称义士而叛卒乎二黠魁亦踊跃听命公乃召徐景星出所从骁勇为中军俾营兵次之郡邑土团又次之严部伍明束约遂前薄乱民败之於菜市桥火场又败之褚家堂又败之官港口又败之章家桥皆即行剽所就俘累累反缚而诣台者百五十余人而仕卿在焉公前已要台使者至讯得其倡谋挟刃而腰金帛者凡五十余人皆斩梟之辕门余悉放归舍於是诸亡赖子鸟兽散不敢复吐气而郊遂之猾谋为应者甫及门而遁惟恐迹之矣

公上疏具其事大约谓有司奉行太过裁馭太甚苟欲以自成其名而不顾国体不察物情酝酿酖毒积久必溃夫兵变民变此特二端耳天下隐忧尚有深於此者庙议为之动稍稍厌悔操切言於上下公所言诸郡国有所宽减而赐公飞鱼衣及白金文绮以示褒异公念此悍卒犹未丽法急之则或生变假它事以罪之或密掩而毙之则法不振且人人自疑因阳谓二黠魁曰功差足赎矣予之冠带榜於营曰还而饷饷如赵尚书时不以钱累若也咸帖然服独二黠魁者始贾众怒辱吴中丞而当其自缚时又要众以一死蔽若曹诛姑予我棺殓给妻子费众歛赠赢金数百既免而不复反橐始大恨曰成我曹叛名者二竖也而又卖我公既豁达大度治军虽不废法而不为烦苛众亦沾沾喜以张公幸赦我且厚我然其气不无寝溢往往遨游廛市间儿子视其人而加武断焉人亦惴恐相奉承莫敢谁何公既已廉得各营倡乱者名属春汛复当发七营哨公乃命治兵监司徐君顾君辈建牙誓师甫严而游击徐景星以名捕营各一人若陈德胜若方子龙若李文高若张贤若陈文满若吴章成若卢州诣台诘之曰女乱先也吾故欲贷女天子三尺不贷女遂斩之已复捕马文英杨廷用至曰女故自祈死今得死晚矣且女美衣偷食而骄於众义胁其资既免而不反橐夫复何言又斩之凡九首陈辕门外而使使驰赦七营卒曰天子不欲尽僇女女自揣当死不今而后当尽力为国御圉众人人股栗已伏地

泣曰赐我生者公也所不以死报公者有如日公又召其与讨乱民者二营谕曰吾得女主名而故隐之念向者尺寸劳耳且不欲食吾言二营卒伏而泣曰赐我生者公也即公不遗我尺寸所不以死报公者有如日城中外吏民耄倪讙且呼曰我曹今者有生趣矣所不以死报公者有如日全浙之士民俄闻之俱加额曰浙自是无警矣弇山人方卧病绪闻之客起而叹曰夫岂唯全浙吾吴自是无警矣夫岂惟吾吴环浙而省者皆无警矣吾不能它及当浙兵之初变而它幕府迫则为檄广额外优以媚兵兵醉饱倨谓市人若曹不父事我即一旦悔何及盖至宿昔犹惴惴焉今而后知有天子三尺者谁力耶当公之疏再上上大悦进公右都御史兼左侍郎趣还都其顾君两徐君而下迁賚有差而追褫故中丞监司秩人以为当云

弇山人曰吾少长於张公一岁郎署时从六七君子慷慨谈说千古頼一世皆有余锐焉公独沈深雅靚藏用不露乃今信之矣夫市民之鼓乱也狂刃若狷公单车直入恬然而无挠色要之集义所生者非直胆勇已也诛乱民利用速诛乱卒利用缓不佞窃或知之速而能审缓而能密则非不佞所与知也公之赴浙不佞尝为诗以周条侯郭汾阳期公直能不负不佞哉诗云君子如怒乱遮遄沮君子如祉乱庶遄已斯公谓矣

广信府同知邹潘校正

推官方重校正

临江府推官袁长驭校正

上饶县学教谕余学申对读

附录：

张司马定浙二乱志

万历十年之四月兵部右侍郎铜梁张公肖甫兼右佥都御史来视浙师故有幕府亲兵四千五百人其人多括苍头郡民家子颇选而故胡少保倚之起战功饷赍至麋县官廩不訾故赵尚书来代稍稍为裁缩然犹月一金而其兵分营九岁率以七营防海汛汛毕乃归是时承平久当国者有所向以橐孔为急而士大夫争言汰冗费稍及兵饷於是给事中疏请减营兵廩三之一无已而复请以新钱半之当幕府议钱法壅不行无所得食则相率号於两台使者居间幕府幕府吴中丞善言尝守吾郡用循吏治效骤迁不习兵弗听令予钱自如乃汹汹为恶语冀以恫喝止吴公而吴公益持之坚顾仅两台使言之诸司道傍睨亡助者於是兵有二黠魁曰马文英杨廷用媮其党噪於治饷金事王许之门许之跳遂阑入幕府吴公匿他室迹得之遂拥而至营所以窘辱之者万状两台使来为请命稍稍解然犹责吴公自书脰削状以库金二千为酒食资乃纵之归其明日二黠魁与他黠者自相团结更约束曰毋杀人毋掠财出入必偃队甲而中逵乃阳自缚以诣吴公及两台使曰吾二人寔为之请受法他无与也然兵皆匣刃待矣诸公諗知其状姑好语慰藉之莫敢谁何而具其事闻上庙议以轻用兵则五千组练乘愤用壮势何所不至轻用帅帅或贱且选悞则兵益骄而他镇皆觚决掣振而起顾独张公贵臣自令至填抚江南上谷皆以谈笑埽内乱是可樽俎治也於是公出而得便宜行事之命吴以勒还里候勘公既拜命即促装朝辞而吴公候代於苕霅间亡何而市民变复作杭十万室五民蚁袭几与冯翊扶风埒迺来文渐密日相厉以湿束弗堪而城中诸栅各设役夫司干掘诸土著户捐钱粟募游手充之前二岁始更其法必以身受役者既惰不任又相率倚豪有力以免而游手骤失募亦怨上虞人丁佐卿侨处素舞文与市大猾相结假利便言之监司守令俱不聽意忿忿曰谓我曹无爪距营兵之不若耶既而谋诸市大猾曰官易与耳兵一振即茅靡且今跨輶档子扬扬九衢徒手饮酒肉官杜门不敢加拂息而独柰我何诸大猾稍稍动而会佐卿坐他法郡杖而囊之三木诸大猾遂噉众夺之亡赖子冀得为所欲为者立响应至千人谓一二荐绅是能免应役者相率焚毁其第劫财帛以逞於是遂破两台使者门尽挟其衣装以出监司而下走匿佛庐仅免而张公方与吴公代抵嘉禾而警至公问候人曰兵哨海者发耶曰发矣畱者一营无故耶曰犹未动也公曰速驱之尚可离而二也於是从者皆惴恐无人色公谈笑自如以五月朔抵台治事而诸亡赖啸聚益众尽毁诸栅及他丽譙揭长竿裂所掠相衣帟之裒白刃而向台者可二千余且欲拔储胥以入公乃从数卒乘肩輿出迎谓之曰女曹母反反则天子移六师至族女矣且女必有所苦与甚不平众乃以司夜役告曰

吾所苦苦而豪有力者独不受役诉监司郡邑若无耳者是以不平公曰易也奈何以女一愤易女族即下令除之众始散去众虽已阳散而气益张其饥欲益炽乘夜复大掠诸巨室且徧火光烛天其器与巷哭声达旦公秉烛坐堂皇草檄谕以祸福质明而布之通衢众取裂之剽益甚公怒曰余奉命戢悍兵此乱民之不讨兵胡受戢已而计曰过可使也乌合可刈也命邀击徐景星俾以二营兵入召伍长而抚之曰前幕府诚误夫驱汝死而不使汝一饱汝宁无怏怏也今者使汝以功饱可乎众唯唯则又曰市亡赖子乱成矣且无他劳不可以汝曹例为我尽力讨捕之母多杀多杀不汝功众踊跃听命则又进马文英杨廷用密谓曰自缚而请者汝耶二黠魁谢死罪公笑曰壮士故不畏死虽然死法矣母与而名者女为我倡众捕乱功成诂论赎有赏也即不幸死死义终有名今奈何不令天下称义士而叛卒乎哉二黠魁亦踊跃听命公乃召徐景星出所从骁勇为中军俾营兵次之郡邑土团又次之严部伍明约束遂前薄乱民败之於菜市桥火场又败之褚家堂又败之官巷口又败之童家桥皆即行剽所就俘累累反缚而诣台者百五十余人而丁佐卿在焉公前已要台使者至即讯得其倡谋者挟刃而腰金帛者凡五十余人皆斩梟之辕门余悉放归舍於是诸亡赖子鸟兽散不敢复吐气而郊遂之猾谋为应者甫及门而遁唯恐迹之矣公上疏具其事大约谓有司奉行太过裁脔太甚苟欲以自成其名而不顾国体不察物情酝酿酖毒积久必溃夫兵变民变此特二端耳天下隐忧尚有深於此者庙议为之动稍稍厌悔操切言於上下公所言诸郡国有所宽减而赐公飞鱼衣及二品服色以示褒异公念此悍卒犹未丽法急之则或生变假他事以罪之或密掩而毙之则法不振且人人自疑因阳谓二黠魁曰功差足赎矣予之冠带榜於营曰还而饷饷如赵尚书时不以钱累若也咸帖然服独二黠魁者始贾众怒辱吴中丞而当其自缚时又要众以一死蔽若曹诛姑予我棺殓给妻子费众敛赠赢金数百既免而不复反橐始大恨曰成我曹叛名者二竖也而又卖我公既豁达大度治军虽不废法而不为烦苛众亦沾沾喜以张公幸赦我且厚我然其气不无寢溢往往遨遊廛市间儿子视其人而加武断焉人亦惴恐相奉承莫敢谁何公既以廉得各营倡乱者名属春汛复当发七营哨公乃令治兵监司徐君顾君辈建牙誓师甫严而游擊徐景星以名捕营各一人若陈德胜若方子龙若李文高若张贤若陈文满若吴章成若卢州诣台诘之曰女乱先也吾故欲贷女天子三尺不贷女遂斩之已复捕马文英杨廷用至曰女故自祈死今得死晚矣且女美衣偷食而骄於众又胁其资既免而不反橐夫复何言又斩之凡九首陈辕门外而使使驰赦七营卒曰天子不欲尽僇女女自揣当死不今而后当尽力为国御围众人人股栗已伏地泣曰赐我生者公也所不以死报公者有如日公又召其与讨乱民者二营谕曰吾得女主名而故隐之念向者

尺寸劳耳且不欲食吾言二营卒伏而泣曰赐我生者公也即公不遗我尺寸所不以死报公者有如日城中外吏民耄倪讙且呼曰我曹今者有生趣矣所不以死报公者有如日全浙之士民闻之俱加额曰浙自是无警矣弇山人方卧病绪闻之客起而叹曰夫岂唯全浙吾吴自是无警矣夫岂唯吾吴环浙而省者皆无警矣吾不能他及当浙兵之初变而他幕府迫则为檄广额外优以媚兵兵醉饱倨谓市人若曹不父事我即一旦悔何及盖至宿昔犹惴惴焉今而后知有天子三尺者谁力耶当公之疏再上上大悦进公右都御史兼左侍郎趣还都其顾君两徐君而下迁賚有差而追褫故中丞监司秩人以为当云弇山人曰吾少长於张公一歲郎署时从六七君子慷慨谈说千古類一世皆有余锐焉公独沈深雅靚藏用不露乃今信之矣夫市民之鼓乱也狂刃若狷公单车直入恬然而亡挠色要之集义所生者非直胆勇已

也诛乱民利用速诛乱卒利用缓不佞窃或知之速而能审缓而能密则非不佞所与知也公之赴浙不佞尝为诗以周条侯郭汾阳期公真能不负不佞哉诗云君子如喜乱庶遄已君子如怒乱庶遄沮斯公谓矣（四库全书·集部·别集类·弇州四部稿）